

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

295/2019 Foru Agindua, ekainaren 10ekoa, onesten duena Otsailaren 18ko 93/2019 Foru Aginduaren bidez egindako administrarien deialdian onartu eta baztertu direnen behin betiko zerrendak; deialdia ALHAOren 2019ko otsailaren 27ko 25. zenbakian argitaratu zen eta Arabako Foru Aldundiaren Administrazio Orokorreko 2018ko enplegu publikoaren eskaintzari dagokio

Arabako Foru Aldundiaren Administrazio Orokorren zerbitzura karrerako funtzionario gisa sartzeko hautaprobaren oinarri orokorrak onartzen dituen otsailaren 15eko 82/2019 Foru Aginduak 7.2 oinarrian xedatutakoaren arabera, onartuen eta baztertuen behin-behineko zerrenden aurka erreklamazioak aurkezteko epea amaitzen denean eta aurkezten direnak ebazten direnean, Arabako Foru Aldundiaren Enplegu, Merkataritza eta Turismo Sustapenaren eta Foru Administrazioaren Saileko foru diputatuak foru agindu bat emango du onartuen eta baztertuen behin betiko zerrenda onartzeko, behin-behineko zerrendetan jasotako datu berberen xehetasunekin eta, baztertuen kasuan, baztertzeko arrazoiarekin.

Halaber, 82/2019 Foru Aginduaren 8.1 oinarriak ezartzen du Enplegu, Merkataritza eta Turismo Sustapenaren eta Foru Administrazioaren Saileko foru diputatuaren foru agindu baten bidez izendatuko direla hautaprobak kalifikatuko dituzten epaimahaietako kideak, eta hori ere ALHAOn argitaratuko dela.

Azkenik, eta aipatutako foru aginduaren 10.2.2 oinarrian xedatutakoaren arabera, ALHAOn argitaratuko da lehen ariketa edo ariketa bakarra (deialdiaren arabera) egiteko lekua, eguna eta ordua ere.

Publikotasunaren eta datu pertsonalen babesaren nahitaezko printzipioen arabera, onartuen behin betiko zerrenda interesdunen esku jarriko da, haien interesak bermatzeko, eta zuzenbidearen arabera nahitaezkoa den publikotasuna baino ez zaio emango, zerrendon eraginkortasuna eta eskubide guztiak babesten direla bermatzeko. Horrela jasotzen da martxoaren 10eko 364/1995 Errege Dekretuaren 20. artikuluan, non xedatzen baita onartuen eta baztertuen zerrendak onesten dituen ebazpenean adieraziko dela non jarri diren jendaurrean zerrenda horiek.

Diputatu nagusiaren uztailaren 3ko 132/2015 Foru Dekretuaren bidez, Arabako Foru Aldundiaren sailak zehaztu ziren; Diputatuen Kontseiluaren uztailaren 30eko 154/1993 Foru Dekretuaren bidez, funtzio publikoaren arloko eskumenak ezarri ziren, eta otsailaren 9ko 10/2016 Foru Dekretuaren bidez, funtzio publikoaren gaietan eskumena duen sailaren egitura organikoa eta funtzionala onetsi ziren. Horietan guztietan ezarritakoarekin bat etorriz, hau

XEDATZEN DUT

Lehenengoa. Onestea otsailaren 18ko 93/2019 Foru Aginduaren bidez egindako administrarien deialdian onartu eta baztertu direnen behin betiko zerrendak; deialdia ALHAOren 2019ko otsailaren 27ko 25. zenbakian argitaratu zen eta Arabako Foru Aldundiaren Administrazio Orokorreko 2018ko enplegu publikoaren eskaintzari dagokio.

Bigarrena. Agintzea administrarien deialdian onartu eta baztertu direnen behin betiko zerrendak argitara daitezela Arabako Foru Aldundiaren enplegu atarian: www.araba.eus/PortalEmpleo.

Hirugarrena. Izendatzea administrarien deialdiko hautaprobak kalifikatu behar dituen epaimahaiko kideak. Foru agindu honen eranskinean jasotzen dira.

Laugarrena. Iragartzea karrerako funtzionario gisa sartzeko txanda irekiko eta barne sustapeneko eta desgaitasuneko txandetako lehen ariketa, administrarien deialdian (C taldea C1 titulazio azpitaldea), zeina Arabako Foru Aldundiaren Administrazio Orokorreko 2018ko enplegu publikoaren eskaintzari baitagokio eta zeina Gasteizen egingo baita, 2019ko uztailaren 13an, 16:00etan.

Izangaiak zein zentrotan izango diren enpleguaren atarian argitaratuko da.

Bosgarrena. Izangaiek probara ekarri behar dituzte NANA, pasaporte edo gidabaimena, edo agiri baliokidea atzerritarren kasuan, eta boligrafoa.

Seigarrena. Ariketara aurkeztu ahal izango dira onartuen eta baztertuen behin betiko zerrenda onartzen duen foru aginduan onartutzat agertzen diren izangaiak, bai eta, baztertu gisa azaldu arren, proba horiek egiteko unean egiaztatzen dutenak dagokien errekurtsioa aurkeztu dutela eta hori ez dela oraindik ebatzi; kasu horretan, probek ez dute baliorik izango errekurtsio horiek ezesten badira.

Zazpigarrena. Agintzea foru agindu hau argitara dadila ALHAOn eta Arabako Foru Aldundiaren enpleguaren atarian: www.araba.eus/PortalEmpleo.

Zortzigarrena. Foru Agindu honen aurka, argitaratu eta hurrengo egunetik aurrera, administrazioarekiko auzi errekurtsioa aurkeztu ahal izango da, bi hilabeteko epean, Administrazioarekiko Auzietarako Epaitegian, edo, nahi izanez gero, berraztertze errekurtsioa, hilabeteko epean, ebazpena eman zuen organoaren beraren aurrean, Administrazioarekiko Auzien Jurisdikzioa arautzen duen uztailaren 13ko 29/1998 Legeak 46.1 artikuluan xedatutakoaren arabera, Administrazio Publikoen Administrazio Prozedura Erkidea arautzen duen urriaren 1eko 39/2015 Legeak 123. artikuluan xedatutakoarekin lotuta.

Gasteiz, 2019ko ekainaren 10a

Enplegu, Merkataritza eta Turismo Sustapenaren eta Foru Administrazioaren diputatua
CRISTINA GONZÁLEZ CALVAR

I. ERANSKINA

ADMINISTRARIEN EPAIMAHAIA

EPAIMAHAIBURUA

Titularra: Lourdes Martínez de Lagos Manzana

Ordezkoa: Carlos Auzmendi Irastorza

EPAIMAHAIKIDEAK

Titularra: Eduardo Alday Galán

Ordezkoa: M^a Carmen Errasti Murguiondo

Titularra: Álvaro Tueros Bringas

Ordezkoa: Begoña Benito Ávila

Titularra: Lorea Durana Sagastegui

Ordezkoa: M^a Luisa Garay Uriarte

IDAZKARIA

Titularra: Alexander Rodríguez López

Ordezkoa: Nagore García Velázquez